



**Broj:** 10-34-14233-4-3/20

**Datum:** 12.03.2021. godine

**Svim osnovnim i srednjim školama  
Zeničko-dobojskog kantona  
(putem e-maila)**

**Predmet:** Uputstvo osnovnim i srednjim školama na području Zeničko-dobojskog kantona, dostavlja se

Na osnovu člana 5. stav (8) Zakona o osnovnoj školi ("Službene novine Zeničko-dobojskog kantona", broj: 3/18) i člana 7. stav (3) Zakona o srednjoj školi ("Službene novine Zeničko-dobojskog kantona", broj: 9/17), Odluke Kriznog štaba Ministarstva Zdravstva Zeničko-dobojskog kantona (akt broj: 11-33-1335-119/20 od 24.08.2020. godine), a shodno Proceduri za rad odgojno-obrazovnih ustanova – vodič za unapređenje biosigurnosti u kontekstu COVID-19 donesene od strane Instituta za zdravlje i sigurnost hrane Zenica (akt broj: 02-2614-1/20 od 19.08.2020. godine), Uputstvu za komunikaciju i protokol postupanja u kontekstu "Škole i COVID-19" (akt broj: 02-3108/20 od 02.10. 2020. godine), te Zaključka Vlade Zeničko-dobojskog kantona (akt broj: 02-34-3369/21 od 12.03.2021. godine), Ministarstvo za obrazovanje, nauku, kulturu i sport Zeničko-dobojskog kantona daje sljedeće:

#### UPUTSTVO

o organizaciji odgojno-obrazovnog procesa u osnovnim i srednjim školama na području Zeničko-dobojskog kantona u drugom polugodištu školske 2020/2021. godine (period od 15.03.2021. godine do 24.03.2021. godine)

#### A) Organizacija online nastave/učenja u osnovnim i srednjim školama

- U osnovnim i srednjim školama na području Zeničko-dobojskog kantona, u periodu od **15.03.2021.** godine do **24.03.2021.** godine, a shodno aktuelnoj epidemiološkoj situaciji izazvanom pandemijom širenja corona virusa (COVID-19), prelazi se na organizaciju i realizaciju online nastave/učenja. Nastavni sat i svih nastavnih predmeta za vrijeme organizacije online nastave/učenja traje 35 minuta. Praktična nastava u školi, kao i praktična nastava koja se izvodi izvan škole, tj. u privrednim subjektima, organizacijama, ustanovama i sl. izvodi se online. Online nastava/učenje se realizira u skladu sa vremenskim okvirom definiranom u važećem rasporedu časova za tekuću školsku godinu.
- Kada je u pitanju način praćenja rada, vrednovanje i ocjenjivanje učenika u osnovnim i srednjim školama za vrijeme organizacije online nastave/učenja, primjenjivat će se Uputstvo o načinu praćenja, vrednovanja i ocjenjivanja učenika, te polaganja dopunskog i/ili razrednog ispita u osnovnim i srednjim školama (akt broj: 10-34-14233-2/20 od 09.10.2020. godine) doneseno od strane Ministarstva za obrazovanje, nauku, kulturu i sport Zeničko-dobojskog kantona.
- Ukoliko dođe do poboljšanja epidemiološke situacije na području Zeničko-dobojskog kantona, od **01.04.2021.** godine bi se prešlo na nesmetano odvijanje nastave u osnovnim i srednjim školama prema procedurama, odlukama, instrukcijama i modelima koji su bili zastupljeni do 12.03.2021. godine, tj. elementima Uputstva o organizaciji odgojno-obrazovnog procesa u osnovnim i srednjim školama na području Zeničko-dobojskog kantona u drugom polugodištu školske 2020/2021. godine (akti broj: 10-34-14233-4/20 od 18.01.2021. godine i 10-34-14233-4-1/20 od 22.01.2021. godine).

## **B) Primjena edukativnih platformi u organizaciji online nastave/učenja**

- Za vrijeme organizacije online nastave/učenja potrebno je koristiti edukativne platforme i dostupne aplikacije koje podržavaju ovakav vid nastave. Ovdje prije svega mislimo na primjenu Platforme Microsoft Office 365 koja je osigurana od strane Ministarstva za obrazovanje, nauku, kulturu i sport Zeničko-dobojskog kantona i sa kojom su upoznati nastavnici, stručni saradnici, menadžment škola, roditelji/staratelji i učenici. Prilikom izbora alternativne edukativne platforme neophodno je sagledati materijalno-tehničke i socio-ekonomske uvjete kojima raspolaže škola, nastavnici, učenici i roditelji/staratelji.
- Ukoliko neki učenici, roditelji/staratelji ne raspolažu adekvatnim informaciono-komunikacijskim tehnologijama za elektronsko komuniciranje sa nastavnicima ili se radi o učenicima koji u skladu sa uzrastom i stepenom psiho-fizičkog razvoja ne mogu samostalno koristiti naprijed navedenu edukativnu platformu (učenici nižih razreda osnovne škole, učenici s teškoćama u razvoju, bolesni učenici i sl.), neophodno je koristiti neku drugu edukativnu platformu ili aplikacije prilagođene ovim učenicima.
- U slučajevima kada pojedini učenici nemaju pristup internetu ili ne posjeduju nikakvu informaciono-komunikacijsku tehnologiju, neophodno je ovim učenicima osigurati, tj. dostavljati printane materijale za samostalno učenje na dnevnoj bazi. Kada su u pitanju učenici nižih razreda osnovne škole, ove materijale trebaju od nastavnika preuzimati roditelji/staratelji, a kada su u pitanju učenici viših razreda osnovne škole i učenici koji pohađaju srednju školu, nastavnici će osigurati dostavu printanih materijala direktno ovim učenicima.
- Škola je u obavezi nastavnom osoblju koje ne posjeduje materijalno-tehničke mogućnosti za realizaciju online nastave/učenja od kuće (rad od kuće), osigurati da online nastavu/učenje realiziraju u prostorijama škole koristeći raspoloživa materijalno-tehnička sredstva škole (pristup internetu, opremu, informaciono-komunikacijske tehnologije i sl.).

## **C) Proljećni odmor za učenike osnovnih i srednjih škola**

Za vrijeme proljetnog odmora za učenike osnovnih i srednjih škola (od 25.03.2021. godine do 31.03.2021. godine) ne realizira se online nastava/učenje. U ovom periodu se realiziraju aktivnosti planirane Godišnjim programom rada škole za tekuću školsku godinu uz maksimalno poštivanje biosigurnosnih mjera u kontekstu COVID-19.

## **D) Organizacija ostalih oblika neposrednog odgojno-obrazovnog rada**

Kada su u pitanju ostali oblici neposrednog odgojno-obrazovnog rada sa učenicima, za vrijeme realizacije online nastave/učenja nastavnici su u obavezi realizirati sat odgojnog rada sa odjeljenskom zajednicom i sat dopunske/dodatne nastave primjenjujući platforme i aplikacije koje budu koristili i za realizaciju online nastave/učenja.

## **E) Organizacija produženog i/ili cjelodnevnog boravka u školi**

Produženi i/ili cjelodnevni boravak u školi za vrijeme realizacije online nastave/učenja u periodu od 15.03.2021. godine do 24.03.2021. godine, kao i za vrijeme proljetnog odmora, neće se realizirati. Kada se steknu uvjeti za nesmetanu realizaciju ovih programa iste će biti potrebno potrebno organizirati u skladu sa donesenim epidemiološkim mjerama procedurama donesenim od strane Instituta za zdravlje i sigurnost hrane Zenica.

## F) Organizacija i provođenje ostalih aktivnosti u školama

- Shodno ovom, ali i ranije donesenim uputstvima, prolongiraju sve aktivnosti koje se odnose na vannastavne aktivnosti, seminare, takmičenja učenika, savjetodavno-instruktivni rad s nastavnicima i stručnim saradnicima, posjete, izleti i ekskurzije.
- Sastanke stručnih organa škole, organa upravljanja, Vijeća učenika i Vijeća roditelja, roditeljske i informativne sastanke s roditeljima/starateljima učenika potrebno je organizirati u skladu sa donesenim mjerama i Procedurom za rad odgojno-obrazovnih ustanova – vodič za unapređenje biosigurnosti u kontekstu COVID-19 donesene od strane Instituta za zdravlje i sigurnost hrane Zenica. Navedeni sastanci se shodno aktuelnoj epidemiološkoj situaciji organiziraju i realiziraju elektronskim putem (korištenjem dostupnih aplikacija i platformi) dok se ne steknu uvjeti za ponovno nesmetano provođenje ovih aktivnosti u prostorijama škola.

## G) Primjena Uputstva

- Ovo uputstvo stupa na snagu danom donošenja i primjenjuje se u svim osnovnim i srednjim školama na području Zeničko-dobojskog kantona.
- Škole su u obavezi da informišu učenike i njihove roditelje/staratelje o primjeni ovog uputstva do koje je došlo zbog organizacije odgojno-obrazovnog procesa u školama u skladu sa aktuelnom epidemiološkom situacijom.
- Napominjemo da su osnovne i srednje škole na području Zeničko-dobojskog kantona dužne poštovati Nastavni kalendar za školsku 2020/2021. godinu, a planirane aktivnosti u Godišnjem programu rada škole za školsku 2020/2021. godinu prilagoditi novonastalim okolnostima u skladu sa preporukama Kriznog štaba Federalnog ministarstva zdravstva i Kriznog štaba Ministarstva zdravstva Zeničko-dobojskog kantona.
- U slučaju pogoršanja epidemiološke situacije nakon 31.03.2021. godine, Ministarstvo za obrazovanje, nauku, kulturu i sport Zeničko-dobojskog kantona će u koordinaciji sa Kriznim štabom ministarstva zdravstva Zeničko-dobojskog kantona i Institutom za zdravlje i sigurnost hrane Zenica, razmotriti potrebu i donijeti novo uputstvo kojim će se regulisati način odvijanja odgojno-obrazovnog procesa u osnovnim i srednjim školama, a o čemu će škole biti blagovremeno obaviještene.

DOSTAVLJENO:

1 x Naslovu

3 x a/a, 03/05/PZ



MINISTAR

*Prof. dr. Spahija Kozlić*



Bosna i Hercegovina, Zenica, Kućukovići br. 2  
Tel: 032/460-840, fax: 460-842  
e-mail [min.obrazovanje@zdk.ba](mailto:min.obrazovanje@zdk.ba)